



Docentiaz

Ebaluazio Zerbitzua
Servicio de Evaluación

DOCENTIAZ

IRAKASLEEN IRAKASKUNTZA
JARDUERAREN EBALUAZIO
PROGRAMA

HAMABOSGARREN DEIALDIKO OINARRIAK

2025

GRADU ETA ERALDAKETA DIGITALERAKO ERREKTOREORDETZA
VICERRECTORADO DE GRADO Y TRANSFORMACIÓN DIGITAL

1.- DEIALDIAREN HELBURUA

DOCENTIAZ programaren hamabosgarren deialdiaren helburu nagusia da Universidad del País Vasco/Euskal Herriko Unibertsitateko (aurrerantzean UPV/EHU) irakasleen irakaskuntza jardueraren kalitatea aitortzea eta hobetzea, eta irakaskuntza-jarduera horri buruzko informazio fidagarria eta egiaztatua emango duen prozedura bat erraztea.

2.- DEIALDIRA AURKEZ DAITEZKEENAK

Deialdi honetara aurkez daitezke, eskariak aurkezteko deialdiaren epean, kontratua indarrean duten UPV/EHUko irakasleak, funtzionarioak zein lan kontratadunak, arduraldi osoak zein partzialekoak. Programak UPV/EHU-n ematen diren ikasketa ofizial guztiei eragiten die (Graduak, Masterrak eta Doktoregoko ikasketak). Kanpoan geratzen da goi mailako beste erakunde batzuetan eta UPV/EHUko berezko tituluetan emandako irakaskuntza.

Deialdi honetan, bost ikasturteko (2019/2020-2023/2024) ebaluazio aldiari dagozkion merezimenduak ebaluatuko dira, GAUren aitortutako kredituekin. Ezin izango dira aurkeztu hamabosgarren deialdi honetara 2019/2020-2023/2024 ebaluazio aldian ikasturteren bat ebaluatua duten irakasleak.

DOCENTIAZ programan parte hartzeko, baldintza hauek bete behar dituzte karrerako irakasle funtzionarioek, lan kontratadun iraunkorrek edo lan kontratadun egonkorrek (irakasle osoek eta agregatuek) eta lankide iraunkorrek:

1. UPV/EHUrekin, gutxienez, bost urteko kontratu-harremana izatea.
2. Ebaluatu beharreko aldian gutxienez honako irakaskuntza betebeharra egin izana:
 - 22,5 kreditu arduraldi osoan diharduten irakasleentzat.
 - 15 kreditu arduraldi partzalean diharduten irakasleentzat.
 - 15 kreditu eskola ematetik salbuetsita dauden irakasleentzat, kargu akademikoan jarduteagatik edo lizentziagatik.

DOCENTIAZ programan parte hartzeko, baldintza hauek bete behar dituzte aldi baterako kontratua duten irakasleak (atxikiek, lankideak, bitarteko lan kontratadunek, elkartuek, irakasle laguntzaile doktoreak):

1. UPV/EHUrekin gutxienez hiru urteko kontratu harremana izatea.
2. Ebaluatu beharreko aldian gutxienez 15 kredituko irakats betebeharra egin izana.

3.- ESKARIAK AURKEZTEKO EPEA ETA ERA

3.1.- ESKARIAK AURKEZTEKO EPEA

Ebaluaziorako eskaria aurkezteko epea hamabosgarren deialdiaren hasieran adierazitakoa izango da, eta deialdiaren berri informazio instituzionalaren ohiko bideak baliatuz emango da.

3.2.- ESKARIAK AURKEZTEKO ERA

Eskaria egiteko era bakarra dago: UPV/EHUren Egoitza Elektronikoen bidez eskura daitezkeen inprimaki telematikoa beteko da, Docentiaz Programaren 15. deialdiari dagokiona. Inprimaki hori prozeduren katalogoan dago eskuragarri, "Irakasleak eta ikertzaileak" profilean, eta identifikazio sistema hauetakoren bat erabili beharko da: UPV/EHUko langileen ziurtagiri elektronikoa, Izenperen ziurtagiri digitala, NAN elektronikoa, edo Diruaren eta Zerga Zigiluaren Fabrika Nazionalaren ziurtagiria (FNMT-CERES).

3.3.- EBALUAZIO PROZESUAN PARTE HARTZEKO BALDINTZAK

Profil berri bat sortu da GAUR aplikazioan, eskatzaileek aldeztatik egiazta dezaten betetzen dituzten ala ez ebaluazio prozesuan parte hartu ahal izateko baldintzak.

Profil horretan simulazio bat ere egin ahal izango da, ebaluagarria den irakasgai bat aukeratu ondoren, jakiteko zeintzuk diren puntuazioak eta UPV/EHUren datu baseetan jasota dagoen informazioa. Datu horiek ebaluazio espedientean agertuko dira, aukeratutako irakasgaiaren arabera.

Dena den, Egoitzan bertan, eskaera egiten behin hasita, modu automatikoki egiaztatutako da eskatzaileak betetzen dituen ala ez ebaluazio prozesuan parte hartu ahal izateko baldintzak:

1. Kontratua indarrean egotea eskariko denbora tartean.
2. Kontratatuaren gutxienezko urteak.
3. Eskatzen den gutxienezko Irakats Betebeharra.
4. Ebaluatua izan daitekeen irakasgai bat izatea.
5. Docentiaz programaren azken bost deialdietakoren batean aldeko emaitzarik lortu ez izana.

Aipatutako baldintza guztiak betetzen dituzten pertsonen baina ez zaie emango eskari orria aurkezteko aukera.

Aukeratutako irakasgaiak baldintza hauek bete beharko ditu ebaluatua izateko:

- Gutxienez bost ikasle izatea matrikulatuta.
- Irakasgaiaren kredituen % 30 gutxienez eman izana, eta irakaskuntza hori gutxienez kreditu batekoa izatea Gradu irakasgaiaren kasuan; Master ofizialtako irakasgaiaren kasuan, gutxienez kreditu bat emanda egotea.
- Irakaskuntza Egoeraren Txostena izatea.
- Ez da kontuan hartuko honako hauetan emandako irakaskuntza: Doktoregoa, Practicum, Gradu edo Master Amaierako Lanak, eta Esperientzia Gelak.

Irakasgaiaren Ikaslearen Gida osoa, emandako kredituen ehunekoa kontutan izan gabe (ikasleei entregatutako gida) eta Ikaskuntza Jarduera bat erantsiko dira, pdf formatuan, biak hautatutako irakasgaikoak, irakasleak irakasgaia emandako Euskal Autonomia Erkidegoko hizkuntzetako batean (gaztelaniaz edo euskaraz). Ingelesez ere onartuko dira. Ikaslearen gidaren edota Ikaskuntza Jardueraren zati bat aipatutako hiru hizkuntzak ez beste laugarren batean badaude, zati horren edo zati horien itzulpena sartuko da Ikaslearen Gidaren edota Ikaskuntza Jardueraren amaierako eranskin gisa, eta Irakaslana Ebaluatze Unibertsitateko Batzordeak erabaki beharko du, duda kasuan eta arrazoiak behar bezala emanda, itzultzaile adituei itzultzeko eskatuko dien.

Ikaslearen Gidak eta Ikaskuntza Jarduerak, biak ala biak aukeratutako irakasgaiari dagozkionak, eskaria egiten duen irakaslearen identifikazioa jasoko dute, eta lotuta egongo dira eskari telematikoki aipatutako hizkuntzari eta ikasturteari (2019/2020-2023/2024 deialdiko ebaluazio aldiaren barrukoa).

Idazteko hizkuntzak eta irakasteko ikasturte akademikoak bat etorri beharko dute Ikaslearen Gidan eta Ikaskuntza Jardueran.

Nahitaez aurkeztu behar dira aipatutako Ikaslearen Gida eta Ikaskuntza Jarduera izeneko agiriak, adierazitako eskakizunak beterik; prozeduran exijitzen den gutxieneko bat denez, aipatutakoak aurkeztu ezean, ebaluazio prozesutik kanpo geldituko da irakaslea.

Eskariak aurkezteko aldia behar bezala egiaztatutako merezimenduak baino ez dira ebaluatuko, ahal dela pdf formatuan aurkeztuak.

Beharrezkoa izanez gero eskari bat baino gehiago egin daiteke, betiere eskariak Egoitza Elektronikoen bitartez aurkezteko egongo den epearen barruan. Pertsona berberaren bigarren eskaria zein hurrengoak osorik bete beharko dira, beharrezko dokumentuak aurkeztuta, merezimenduak adierazita eta horiek egiaztatzen dituzten agiriak atxikita. Izan ere, azken eskaria baino ez da hartuko kontuan; hau da, ez dira hartuko kontuan azken eskari telematikoen aurretik egindako eskariak, datuak, informazioa eta/edo dokumentazioa osatze aldera.

Behin eskaria betetzeko epea amaituta, egiaztatuko da ea eskatzaileak aurkeztu dituen ebaluaziorako nahitaezko zatia eta beharrezko zatia jotako agiri guztiak, eta ea bat datozen eskari telematikoa adierazitako datuekin (irakasgaia, ikasturtea eta hizkuntza).

Agiriak egiaztatu ondoren, espedientea kalifikatuko da (behin-behineko onarpena edo behin-behineko baztertzea). Behin-behineko baztertzearen kasuan, arrazoiak azaldu beharko dira. Bost egun balioduneko epea egongo da eskaria baztertzea eragin duten okerrak zuzentzeko.

Okerrak zuzentzeko era bakarra dago: UPV/EHUren Egoitza Elektronikoen bidez eskura daitekeen inprimaki telematikoa beteko da, "Nire karpeta" ataleko "Nire espedienteak" atalean, Docentiaz Programaren 15. deialdiko prozedura espezifikorako espedientea aukeratuta.

Epea igarota eta aurkeztutako dokumentazioa aurkeztuta, espedientearen behin betiko kalifikazioa jakinaraziko da, hau da, onartua ala baztertua izan den. Azken kasu horretan arrazoiak azaldu beharko dira. Ez bada okerra zuzentzen legezko epean eta eran, eskaria bertan behera utzi duela ulertuko da eta espedientea artxibatu egingo da.

4.- IRAKASLANA EBALUATZEKO UNIBERTSITATEKO BATZORDEA

Irakaslan Ebaluatze Unibertsitateko Batzordea (aurrerantzean CUED/IEUB) osatuko duten pertsonak Gobernu Kontseiluak berretsiko ditu, ebaluazio gaietan eskumena duen errektoreordeak proposatuta eta errektoreak 4 urterako izendatuta. Ikasleen kasuan, berriz, urtetik urtera izendatuko dira. Rideen zerrenda Ebaluazio Zerbitzuaren webgunean argitaratuko da.

CUED/IEUB bere funtzionamenduko barne-arauteriaren arabera arituko da (Ebaluazio Zerbitzuaren web orrian eskuragarria).

Kalifikazio bikaina duten irakasleak Docentiaz Programarako ebaluatzaileak prestatzeko ikastaroan parte hartzera gonbidatuko dira, eta hori gainditzen dutenak ebaluatzaileen poltsan sartuko dira.

CUED/IEUBko kide gisa egindako izendapenari ezin zaio uko egin, batzordeko kide gisa aritzea ezinbestez eragozten dion indar handiko arrazoi justifikaturik dagoenean izan ezik. Kasu horretan, ebaluazio gaietan eskumena duen errektoreordeak aztertuko du alegatutako arrazoiak, eta 5 eguneko epean ebaztuko du, izendapenari uko egiteko idatzia jasotzen denetik kontatzen hasita.

Era berean, parte hartzaileek CUED/IEUB osatzen duten pertsonak errekusa ditzakete, edo horiek abstenitu egin daitezke, baldin eta 23. eta 24. artikuluetan (40/2015 Legea, urriaren 1ekoa, Sektore Publikoaren Araubide Juridikoarena) abstenitu edo errekusatzeko arrazoiaren bat badago.

CUED/IUEB osatzen duten pertsonak errekusatzeko epea 10 egun baliodunekoa izango da, Ebaluazio Zerbitzuaren webgunean argitaratzen denetik hasita.

Baldin eta abstenitu, errekusatu edo CUED/IUEB osatzen duten pertsonetako baten jarduna eragozteko arrazoiren bat badago, behar diren neurriak hartuko dira ebaluazio prozesua justizia, gardentasun eta ekitate printzipioen arabera gauzatu dadin, betiere eskatzaileen berdintasuna bermaturik eta haien garapen profesionala eragozten duten oztopoak kendurik.

5.- EBALUAZIO PROZESUA

5.1.- IKASTEGIKO KALITATE BATZORDEAREN TXOSTENA

Ebaluatzen onartuak izango diren espedienteak Ikastegiko Kalitate Batzordeari (aurrerantzean IKB) helaraziko zaizkio. Ikastegietako batzordeek kasuan kasuko ikastegiari atxikitako irakasleen txosten indibidualak beteko ditu, 10 egun balioduneko epean.

Hala, txostena eskatzeak eten egingo du prozedura ebazteko epea, urriaren 1eko 39/2015 Legearen 22. 1 artikuluari jarraiki (Herri Administrazioen Araubide Juridikoaren eta Administrazio Prozedura Erkidearen Legea).

5.2.- BEHIN-BEHINEKO EBALUAZIOAREN EMAITZA

IKBek txostenak egin ondoren, errektoreak izendatu eta Gobernu Kontseiluak berretsitako Irakaslana Ebaluatzen Unibertsitateko Batzordeak espedienteak bide telematikoz lor ditzake eta irakasleek, ikastegi bakoitzeko kalitate batzordeak eta ikasleek sortutako informazioa ikus dezake, baita ebaluaziora aurkezten den pertsonaren aurreko ebaluazioak ere, halakorik balego, irakaskuntza-jardunaren bilakaerari buruzko ahalik eta ikuspegi zabalena izateko; irakaskuntza-jardunbide egokiak aintzatesteko Docentiaz Programaren helburuarekin bat datorren balorazio kualitatiboa egiteko aukera emanez. CUED/IEUBk hiru hilabete izango ditu, gehienera, informazioa aztertu eta ebaluazioa egiteko, hori guztia izaera pertsonaleko datu pertsonalak babesteko printzipioak betez eta, egoki jotzen duenean, agiri gehiago edo azalpenak eskatzeko ahalmena beretzat erreserbatuz.

CUED/IEUBk Egoitza Elektronikoen bidez jakinaraziko du behin-behineko ebaluazioaren emaitza. Prozesuan parte hartzen duen irakasle bakoitzak bere ebaluazio prozesua ikusi ahal izango du, "Nire karpeta" ataleko "Nire espedienteak" atalean, Docentiaz Programaren 15. deialdiko prozedura espezifikorako espedientea aukeratuta.

Ebaluazioak barne hartzen du dimentsioetako bakoitzaren balorazio kuantitatibo bat, baita irakaslearen irakaslanari buruzko amaierako balorazio kualitatibo bat ere, eta bertan aintzatespena merezi duten praktikak azpimarratzen dira, eta hobekuntzarako ekintzak adierazten dira.

- Kontrako ebaluazioa: kontrako ebaluazioa izango da irakaslearen amaierako ebaluazioan 100 puntutik 50 puntu baino gutxiago lortzen dituen.

Aldeko ebaluazioan lau kategoria sartzen dira:

- Ebaluazio onargarria: ebaluazio onargarria izango da irakaslearen amaierako ebaluazioan 50 puntu edo gehiago eta 70 puntu baino gutxiago lortzen dituen.
- Ebaluazio oso ona: ebaluazio oso ona izango da irakaslearen amaierako ebaluazioan 70 puntu edo gehiago eta 90 puntu baino gutxiago lortzen dituen.
- Ebaluazio gain-gainekoa: ebaluazio gain-gainekoa izango da 90 puntu edo gehiago dituen ebaluazioa, eta ebaluazio bikaina lortzeko baldintzak betetzen ez dituen.
- Ebaluazio bikaina: ebaluazio bikaina izango da 1., 2. eta 3. dimentsioetako bakoitzari

dagokion puntuazioaren% 90 lortzen duena, faktore zuzentzaileaz biderkatu baino lehen.

Aldeko ebaluazioak, edozein kategoriatan, bost ikasturterako balioa izango du, ebaluazioa egindako azken ikasturtetik kontatzen hasita. Irakasleek beren irakaskuntzaren etengabeko ebaluazioa izan dezaten, irakasleak beren irakaslana ebaluatzeko programara berriro aurkez daitezke egin zaien azken ebaluaziotik bost ikasturte pasatu direnean.

5.3.- ALEGAZIOAK EGITEKO PROZEDURA

Behin-behineko ebaluazioaren emaitzei buruzko alegazioak egiteko epea 10 egun baliodunekoa izango da. Alegazioak aurkezteko era bakarra dago: UPV/EHUren Egoitza Elektronikoaren bidez eskura daitekeen inprimaki telematikoa beteko da, "Nire karpeta" ataleko "Nire espedienteak" atalean, Docentiaz Programaren 15. deialdiari dagokion espedientea aukeratuta.

CUED/IEUBk gutxienez 10 egun balioduneko epea izango du alegazioak aztertu, ebatzi eta azken ebaluazioa egiteko.

Ebaluazioaren azken emaitza jakinaraziko da Egoitza Elektronikoaren bidez, "Nire karpeta" ataleko "Nire espedienteak" atalean.

6.- GORAKO ERREKURTSOA

Azken ebaluazio honen kontra gorako errekurtsua aurkez dakioke UPV/EHUko errektoreari. Behin-behineko ebaluazioari alegaziorik aurkeztu ez bazaio, ezin izango da gorako errekurtsorik aurkeztu.

7.- EMAITZAK ARGITARATU

Ebaluazioaren emaitzak, informazio blokeetan agregatua eta banakatuta, Ebaluazio Zerbitzuaren webgunean argitaratuko dira, barneko eta kanpoko interes-talde guztien informazio eskaerari erantzunez. Ikastegiari eta sailari zuzendutako emaitzen txosten agregatuak dagozkien arduradunei bidaliko zaizkie. Irakasleen ebaluazioaren arloan eskumena duen errektoreordeak erabilera konfidentzialeko txostenak jasoko ditu, ebaluazio prozesuan lortutako emaitzak kontuan hartuta erabaki dezan.

Datu globalak UPV/EHUko Gardentasun Atarian ere kontsulta daitezke.

8.- PROGRAMARI BURUZKO INFORMAZIOA

Deialdi honi buruzko informazio guztia Ebaluazio Zerbitzuaren webgunean kontsulta daiteke.